



NOVOSTI

- 30.10.09** Medunarodna konferencija "Islamsko obrazovanje u jugoistocnoj Evropi"
- 22.10.09** Gosp. Bakir Izetbegovic gostovao na IPF-u
- 22.10.09** Gostujuce predavanje dr. Hasana Rahimpura
- 19.10.09** Gosti iz Švedske u posjeti IPF-u
- 25.06.09** OKRUGLI STO "SOCIJALNI PEDAGOG – PODRŠKA POZITIVNOM RAZVOJU ZAJEDNICE"
- 08.06.09** OKRUGLI STO „DŽEMALUDIN AFGANI I MUSLIMANSKA MODERNA“
- 03.04.09** Muftija zenicki, dekan i prodekan IPF-a posjetili kantonalnog premijera
- 30.03.09** NOVI DIZAJN STRANICE
- 30.03.09** Rezultati ispita kod prof. dr. Z. Adilovica
- 30.03.09** Kolokvijalni ispiti iz arap. jezika
- Obavijest o terminima kolokvijalnih ispita iz Arapskog jezika

MEDUNARODNA KONFERENCIJA "ISLAMSKO OBRAZOVANJE U JUGOISTOCNOJ EVROPI"

Od od 23. - 25. Oktobra 2009. godine, Institut za islamsku pedagogiju na Univerzitetu u Becu u suradnji sa Institutom za filozofiju, vjersko pravo i kulturu, organizovao je po prvi put medunarodnu konferenciju pod nazivom „**Islamsko obrazovanje u jugoistocnoj Evropi**“, Pozivajući se na izvještaj organizacije za ljudska prava, (International Helsinki Federation for Human Rights (IHF) objavljen u martu 2005. godine broj muslimana u Evropskoj uniji se procjenjuje na više od dvadeset miliona. Prezentacija muslimana u Evropi predstavlja poseban izazov za aktualnu politiku i društvo kao i sve veci broj muslimana i džamija. Broj učenika koji uzimaju učešće na vjeronauci u javnim školama predstavlja također izazov za politiku i ekonomiju kao i za zakonodavca. Novim proširenjem Evropske unije povećava se pritisak na aktualnu politiku u cilju razvitka novog koncepta za integraciju muslimanske manjine. Države kao Albanija, Bosna i Hercegovina, Bugarska, Grcka, Hrvatska, Kosovo, Makedonija, Crna Gora, Rumunija, Srbija, Slovenija i Turska (sa izuzetkom Albanija, Bosna i Hercegovina i Turska-gdje su muslimani autohtono stanovništvo) koje već vijekovima žive sa muslimanskim manjinama su faktički prisiljene da definišu novu poziciju naspram religija.

Posebno značenje u ovom procesu zaslužuje odgoj i obrazovanje muslimanske mladeži u jugoistocnoj Evropi, koji treba da povežu nadolazeće generacije muslimana sa evropskim identitetom i modernim vrijednostima kao što su demokratija, ljudska prava i pluralizam u društvu. Islamsko obrazovanje i odgoj imaju zadatak pomoci i pojasniti mladim generacijama da je evropski identitet moguć u sekularnom, pluralistickom društvu u okviru otvorenog dijaloga sa vlastitom tradicijom. U ovom procesu posebnu ulogu ima zajednicki rad i aktivnosti obrazovnih institucija u jugoistocnoj Evropi, sa ciljem da bi se pokušali pronaci odgovori na pitanja koje Evropa iz svoje sopstvene historije ne poznaje, kao što su naprimjer:

- Koje probleme i pitanja predstavlja zajednicki život ljudi razlicitih religijskih shvatanja i kakvu ulogu u ovom procesu ima islamska pedagogija?
- Na koji najbolji način je moguće etablirati islamsko obrazovanje i odgoj?
- Kako je moguće uskladiti islamske vrijednosti sa modernim vrijednostima kao što su ljudska prava, pluralizam, demokratija, sloboda mišljenja itd.

Učesnici na konferenciji „Islamsko obrazovanje u jugoistočnoj Evropi“ su bili poznati pedagozi, historičari, doktori nauka kao i drugi predstavnici različitih islamsko-obrazovnih institucija iz država jugoistočne Evrope a pozivu su se odazvali i predstavnici iz: Albanije, BiH, Bugarske, Crne Gore, Grčke, Hrvatske, Kosova, Makedonije, Rumunije, Slovenije, Srbije, Turske kao i domaćini iz Austrije. Ovu međunarodnu konferenciju je otvorio univerzitetski Prof. Dr. **Ednan Aslan**, koji je ujedno ponajviše zaslužan, što je uopšte i došlo do ovog susreta a sve prisutne na samom početku je svojim uvodnim predavanjem toplo pozdravio Univ. Prof. Dr. **Arthur Mettinger**, vice rektor bečkog Univerziteta i zaželio da se svi pozvani i prisutni na ovoj trodnevnoj konferenciji lijepo i ugodno osjećaju.

Veoma interesantan uvodni govor povodom otvaranja ove trodnevne konferencije u svečanoj sali Glavnog Bečkog univerziteta izlagao je Reisu-u-ulema BiH dr. Mustafa ef. Cerić, koji je izuzetno dobro primljen od strane mnogobrojne publike.

Reisu-I-ulema dr. Cerić se u okviru svoga boravka u Becu između ostalog susreo i sa ministrom Vanjskih poslova republike Austrije **Dr. Michael-om Spindelegger-om**.

Ovu međunarodnu konferenciju su svojim zanimljivim izlaganjima obogatili i predsjednik IVZ u Austriji, **Anas Schakfeh**, slovenački muftija dr. **Nedžad Grabus**, prof. dr. **Ismet Busatlić**, dekan FIN u Sarajevu. Prof. Dr. **Mevludin Dudic**, rektor Internacionalnog Univerziteta u Novom Pazaru, zatim **Mirza ef. Mesic**, zamjenik glavnog imama zagrebacke džamije u Hrvatskoj, **Mujesira Zimic-Gljiva** iz Bosne te prof. dr. **Šerbo Rastoder** iz Crne Gore. **Asim Zubcevic** iz Sarajeva je moderirao nekoliko radnih sesija ove konferencije. Pored ovih predavaca na ovoj međunarodnoj konferenciji drugi dan prisutnima su se obratili; dr. **Ramiz Zekaj** iz Albanije, dr. **Ali Pajzati** iz Makedonije, dr. **Xhabir Hamiti** sa Kosova, prof. **Hümeýra Karagözoglu** iz Turske, dr. **Sefer Hasanov** iz Bugarske, prof. dr. **L.D. Tanase** iz Rumunije, prof. dr. **Angeliki Ziaka** iz Grčke. Mr. **Zekerija Sejidini**, inspektor za profesore isl. vjeronauke u bečkim gimnazijama i Univ. Prof. Dr. **Richard Potz** iz Austrije-Bec, koji je izlagao na temu: *“Edukacija islamske religije u Austriji”*. Na konferenciji su učestvovali i **Muharem ef. Stulanovic**, prof. Kiraeta i Fikha, koji je ujedno i dekan na Islamskom Pedagoškom Fakultetu u Bihacu, zatim dr. **Zuhdija ef. Adilovic**, prof. Akaida i dekan na Islamskom Pedagoškom Fakultetu u Zenici, zatim doc. dr. **Suad Becirovic**, rukovodilac PhD studija na Internacionalnom univerzitetu u Novom Pazaru, **Suljo Mustafic**, predsjednik Odbora Islamske Zajednice u Baru i **Ibrahim ef. Malanovic**, zamjenik muftije u Sloveniji.

Izeta Džidic, asistent na Institutu za pravnu filozofiju, vjerska prava i kulturu na Pravnom fakultetu, Univerziteta u Becu je svojim radom značajno doprijela uspješnoj realizaciji ove konferencije.

Na ovom skupu je također bio i ambasador BiH u Austriji njegova ekscelencija gosp. **Haris Hrle**, te novinar Dnevnog Avaza, kao i dopisnik Preporoda **Muhammed ef. Velic**, koji će nesumnjivo o svemu ovome napisati opširniji članak za novine Preporod.

Cilj konferencije je dakle bio predstavljanje islamskog odgoja i obrazovanja u zemljama jugoistočne Evrope i mogućnost realizacije nove naučne mreže (NETWORK).

Na kraju ćemo spomenuti i naše dvije malenkosti, koji smo hizmetili sve naše musafire za vrijeme njihovog boravka u Becu, u nadi da su svi gosti koji su prisustvovali ovoj konferenciji bili zadovoljni sa našim gostoprimstvom.

Kenan Corbic, rodом iz Banovica, u Becu završio studij pedagogije a trenutno je na postdiplomskom Institutu za obrazovanje, naučne Pedagogije islamske vjeronauke, Filozofskog fakulteta na bečkom Univerzitetu. Trenutno je u pripremi da piše magistarski rad.

Ishak ef. Ahmetovic, rodом od Teocaka, svršeniš Islamskog Teološkog Fakulteta u Medini.

Trenutno predaje vjeronauku u srednjim školama u Becu a uporedo s tim, zajedno sa Ibrahim ef. Jakupovicem obavlja džuma namaze i drži subotnja predavanja u džematu “Bosna” u Becu.

Kenan Corbic i Ishak Ahmetovic